

**MINISTARSTVO OBRAZOVANJA, NAUKE,
KULTURE I SPORTA**

660

Na osnovu člana 9. Zakona o kantonalnim ministarstvima i drugim tijelima kantonalne uprave („Službene novine HNK“, broj: 4/98, 1/02, 4/07 i 2/13) i člana 20. i 68. Zakona o organizaciji uprave u Hercegovačko-neretvanskom kantonu, („Službene novine HNK“, broj: 9/09), ministar obrazovanja, nauke, kulture i sporta Hercegovačko-neretvanskog kantona, d o n o s i

**P R A V I L N I K
O D O D J E L I S T I P E N D I J A****I. OPĆE ODREDBE**

Član 1.

(1) Ovim Pravilnikom propisuju se opći uslovi, postupak i kriteriji za dodjelu stipendija redovnim studentima, te ostala pitanja koja se odnose na prava i obaveze korisnika stipendija.

(2) Svi izrazi upotrijebljeni u ovom Pravilniku imaju rodno značenje i bez obzira jesu li korišteni u muškom ili ženskom rodu obuhvataju na jednak način i muški i ženski rod.

Član 2.

(1) Studenti koji apliciraju na konkurs za dodjelu stipendija mogu aplicirati na:

- a) osnovnu stipendiju i/ili
- b) dodatak na stipendiju.

Član 3.

(1) Kako bi ostvario pravo na stipendiju, student mora ispunjavati sljedeće opće uslove:

- da ima status redovnog studenta,
- da je državljanin Bosne i Hercegovine,
- da student i roditelj imaju stalno prebivalište u Hercegovačko-neretvanskom kantonu (u daljnjem tekstu: HNK), najmanje godinu dana prije raspisivanja konkursa, što potvrđuju potvrdama/uvjerenjima o prebivalištu koje nisu starije od šest mjeseci,
- da nije stariji od 21 godinu kada upisuje prvu godinu studija,
- da nema bespovratnu finansijsku pomoć nekog drugog davaoca iz sredstava Budžeta i vanbudžetskih fondova bilo kog nivoa vlasti u

- BiH, javnih preduzeća ili javnih ustanova,
- da ne studira izvan Hercegovačko-neretvanskog kantona ako takav studij, na maternjem jeziku postoji u Hercegovačko-neretvanskom kantonu,
- da ne obnavlja godinu u kojoj konkuriše za dodjelu stipendije,
- da studira na javnoj visokoškolskoj ustanovi u Bosni i Hercegovini.

Član 4.

Student koji aplicira na konkurs za dodjelu stipendije, kao i student korisnik stipendije iz prethodnih godina koji ima sklopljen ugovor o stipendiranju, ostvaruje i pravo prijave za dodjelu dodatka na osnovnu stipendiju, te se može prijaviti za:

- Grupa a) - uspjeh studenta u školovanju, odnosno studiju
- Grupa b) - socijalno-materijalni status studenta
- Grupa c) - deficitarnost zanimanja
- Grupa d) - smještaj u studentski dom

Član 5.

(1) Student se može prijaviti na svaku od grupa dodatka na osnovnu stipendiju navedenih članom 4. ovog Pravilnika, s tim da za svaku grupu dostavlja potrebnu dokumentaciju u odvojenim kovertama.

(2) Student može ostvariti pravo na jedan dodatak na stipendiju, koji je za njega povoljniji.

(3) Dodatak na osnovnu stipendiju nije predmet ugovora i odnosi se samo na akademsku godinu u kojoj je ostvaren. Pravo na dodatak se ne prenosi u sljedeću godinu te je potrebno vršiti prijavu u skladu sa stavom (1) ovog člana.

(4) Odluku o korisnicima dodatka na stipendiju po grupama donosi ministar na osnovu liste iz člana 12. stav (4) ovog Pravilnika.

Član 6.

(1) Od utvrđenih budžetskih sredstava za stipendiranje studenata, ministar za svaku akademsku godinu Odlukama utvrđuje iznos visine osnovne stipendije, visinu dodatka na osnovnu stipendiju za svaku grupu, kao i način isplate dodatka stipendiji.

(2) Sredstva za stipendiranje obezbjeđuju se u Budžetu HNK-ana poziciji Ministarstva obrazovanja, nauke, kulture i sporta HNK.

Član 7.

Osnovnu stipendiju redovni student može koristiti tokom prvog i drugog ciklusa visokog obrazovanja,

Hercegovačko-neretvanskog kantona

odnosno do kraja integrisanog studija, a u skladu sa potpisanim ugovorom.

Član 8.

(1) Pravo učešća na konkursu za dodjelu osnovne stipendije i/ili dodatka na osnovnu stipendiju ima student koji ispunjava uslove propisane članom 3. ovog Pravilnika.

(2) Prijaviti se može:

1. student koji prvi put upisuje prvu godinu studija,
2. student više godine studija, ukoliko ne obnavlja godinu u kojoj se prijavljuje na konkurs za dodjelu stipendije.

Član 9.

(1) Student korisnik stipendije treba redovno, bez zaostajanja, upisivati zimski i ljetni semestar i Ministarstvu dostaviti dokaz u vezi s tim, ili u suprotnom gubi pravo na stipendiju.

(2) Student, korisnik stipendije, dužan je na početku svakog semestra priložiti skeniranu potvrdu o upisu putem svog profila, a potom i original potvrde dostaviti Ministarstvu, ili u suprotnom gubi stečeno pravo.

(3) Uz potvrdu o upisu godine student je obavezan dostaviti i potvrdu/uvjerenje o prebivalištu.

II. POSTUPAK ZA DODJELU STIPENDIJA

Član 10.

(1) Odluku o raspisivanju konkursa za dodjelu stipendija donosi Ministarstvo.

(2) Konkurs se objavljuje na službenoj stranici Ministarstva i na službenoj stranici Vlade HNK uz obavještenje u sredstvima dnevnog javnog informisanja.

(3) Konkurs sadrži podatke o općim uslovima za dodjelu osnovne stipendije, kriterije i bodove za dodatak na stipendiju, rok za podnošenje prijave, spisak potrebne dokumentacije kojom se potvrđuje ispunjavanje uslova konkursa, te naziv i adresu Ministarstva na koju se prijave podnose i ostale podatke u skladu sa Pravilnikom.

(4) Prije raspisivanja konkursa za dodjelu stipendija Ministarstvo može odlukom utvrditi i dodatne kriterije.

Član 11.

(1) Kandidat je dužan registrovati se na portal stipendije službene stranice Ministarstva, a nakon uspješne registracije preko e-mail adrese, ulogirati

se na portal i pristupiti prijavi na konkurs unoseći podatke u online obrazac.

(2) Kandidat je obavezan da popuni online obrazac, da isti isprinta, potpiše i dostavi Ministarstvu zajedno sa ostalom potrebnom dokumentacijom, putem pošte ili lično.

(3) Prilikom popunjavanja online obrasca kandidat će zadužiti jedinstvenu šifru/kod.

(4) Nakon uspješne registracije i prijave na osnovnu stipendiju, kandidatu će na portalu biti ponuđena opcija prijave na dodatak na stipendiju.

(5) Student će koristiti isti portal i prilikom unosa skeniranih potvrda o upisu semestra/godine.

(6) Kandidat može aplicirati na osnovnu stipendiju i na dodatak na osnovnu stipendiju utvrđene članom 4. ovoga Pravilnika.

(7) Stipendistima iz ranijih godina koji su već registrovani na portal za stipendije, nakon prijave na profil, na portalu će biti ponuđena opcija prijave na dodatak na stipendiju.

(8) Sastavni dio online obrasca je i izjava kandidata kojom se pod materijalnom i krivičnom odgovornošću potvrđuje tačnost unesenih podataka i dostavljenih dokaza.

Član 12.

(1) Konkursnu proceduru provodi komisija od najmanje pet (5) članova, koju imenuje Ministar.

(2) Zadatak Komisije je razmotriti sve prispjele prijave, neblagovremene i nepotpune odbiti, a za blagovremene i potpune prijave provjeriti valjanost dokumentacije.

(3) Komisija je dužna sačiniti listu studenata koji ispunjavaju uslove prema članu 3. ovog Pravilnika, te istu dostaviti Ministarstvu u roku kojeg ministar utvrdi Rješenjem o imenovanju Komisije.

(4) Komisija je dužna sačiniti i liste prijavljenih po grupama, izvršiti bodovanje za grupe a) i b), te iste dostaviti ministru.

(5) U slučaju bilo kakvih nejasnoća Komisija može tražiti od kandidata i ustanova dopunu podataka ili provjeru dokaza.

Član 13.

Lista studenata dobitnika osnovne stipendije, objavljuje se na službenoj stranici Vlade HNK, službenoj stranici Ministarstva i na oglasnoj tabli Ministarstva.

Član 14.

(1) U roku od pet (5) dana od dana objave liste iz člana 13. studenti mogu uložiti prigovor.

Hercegovačko-neretvanskog kantona

(2) Prigovor se podnosi ministru.

(3) Nakon riješenih eventualnih prigovora, ministar donosi konačnu Odluku o dodjeli osnovne stipendije.

(4) Na osnovu Odluke iz stava 3. zaključuje se ugovor između Ministarstva i studenta.

(5) Ugovorom se posebno preciziraju prava i obaveze ugovornih strana.

Član 15.

(1) Ministar može dodijeliti jednokratnu novčanu naknadu studentu s mjestom prebivališta u HNK, na osnovu zahtjeva studenta, a zbog specifičnih okolnosti (sportski rezultati, sudjelovanje u naučnim projektima, vanrednih okolnosti koje su prouzrokovale teško socijalno stanje studenta, i sl.).

(2) Maksimalan iznos jednokratne naknade ne može biti veći od visine osnovne godišnje stipendije koja se isplaćuje za tu akademsku godinu.

(3) Ukupan iznos ovako dodijeljenih sredstava ne može preći 3% od ukupnog iznosa planiranih sredstava za stipendije iz Budžeta za tu godinu.

III KRITERIJI I BODOVI ZA DODJELU DODATAKA NA OSNOVNU STIPENDIJU

Član 16.

• Grupa a) uspjeh studenta u školovanju, odnosno studiju

(1) Student prve godine studija koji je upisao studij po završetku srednje škole s prosječnom ocjenom 5,00 i student viših godina studija s prosjekom ocjena 10,00 ili 5,00 ostvaruje pravo na dodatak na osnovnu stipendiju.

(2) Studentu koji nema prosjek ocjena iz stava (1) ovoga člana, dodjeljuju se bodovi na osnovu ostvarenog uspjeha, kako slijedi:

a) Uspjeh u školovanju za studente prve godine studija, utvrđuje se prosječnom ocjenom općeg uspjeha I, II, III, IV razreda i mature/završnog ispita srednjoškolskog obrazovanja, (studenti 1. godine)

Prosjek ocjena	Bodovi
4,8	30
4,6	20

b) Uspjeh na studiju za studente viših godina studija, utvrđuje se prosječnom ocjenom (aritmetički prosjek) svih ispita prethodno završene godine studija, zaokruženo na dvije decimale

Prosjek ocjena	Bodovi
9,25 – 9,99 ili 4,5 – 4,99	50
8,6 – 9,24 ili 4,0 – 4,49	40
7,95 – 8,59 ili 3,5 – 3,99	30
7,3 – 7,94 ili 3,0 – 3,49	20

Član 17.

• Grupa b) socijalno-materijalni status studenta

(1) Student bez oba roditelja automatizmom dobiva dodatak po osnovu socijalno-materijalnog statusa.

(2) Student može ostvariti bodove na osnovu pripadnosti roditelja braniteljskoj populaciji, samo po jednom osnovu, koji je za njega povoljniji.

(3) Samohranim roditeljem u smislu ovog Pravilnika smatra se roditelj koji ne živi u bračnoj ili vanbračnoj zajednici i sam se brine za svoju djecu. Status samohranog roditelja dokazuje se izvodom iz matične knjige umrlih (za umrlog roditelja) ili izvodom iz matične knjige rođenih (ime jednog roditelja).

Kriterij	Bodovi	Dokaz
-za studenta sa utvrđenim tjelesnim oštećenjem od 70% i više	50	Rješenje nadležnog tijela o utvrđenom stepenu tjelesnog oštećenja
- za studenta sa utvrđenim tjelesnim oštećenjem od 30% do 70%	40	Rješenje nadležnog tijela o utvrđenom stepenu tjelesnog oštećenja
-za studenta koji je roditelj	30	Rodni list djeteta
-za studenta kojem su brat ili sestra predškolske dobi ili u sistemu redovnog osnovnoškolskog, srednjoškolskog i visokog obrazovanja (za svakog brata/sestru)	5	Rodni list i potvrda odgojno-obrazovne ustanove
-za studenta kojem su oba roditelja nezaposlena	30	Potvrda Zavoda za zapošljavanje
-za studenta čiji je jedan roditelj nezaposlen	10	Potvrda Zavoda za zapošljavanje
-za studenta koji je korisnik socijalne pomoći ili korisnik narodne kuhinje	30	Potvrda nadležne ustanove
-za studenta kojeg izdržava samohrani roditelj (jedan roditelj umro, nestao, nepoznat), a da taj roditelj nije iz kategorije, umrlog demobilisanog borca RVI	15	Izvod iz odgovarajućih matičnih knjiga
-student dijete dobitnika ratnog priznanja I, II, III grupe	10	Uvjerenje općinske – gradske službe/ organa za pitanja vojne evidencije

Hercegovačko-neretvanskog kantona

-student dijete RVI I,II,III grupe	15	Uvjerenje općinske - gradske službe/ organa nadležnog za boračko-invalidsku zaštitu, koje ne može biti starije od šest (6) mjeseci
-student dijete RVI IV, V i VI grupe	10	Uvjerenje općinske - gradske službe/ organa nadležnog za boračko-invalidsku zaštitu, koje ne može biti starije od šest (6) mjeseci
-student dijete RVI VII, VIII, IX i X grupe	5	Uvjerenje općinske - gradske službe/ organa nadležnog za boračko-invalidsku zaštitu, koje ne može biti starije od šest (6) mjeseci
-student dijete demobilisanog borca	5	Uvjerenje općinske - gradske službe/ organa za pitanja vojne evidencije
- student studira na visokoškolskoj ustanovi čije je sjedište izvan grada/općine u kojoj ima prebivalište	5	Uvjerenje o prebivalištu Potvrda visokoškolske ustanove

Član 18.

- Grupa c) deficitarnost zanimanja

(1) Deficitarnost zanimanja za svaku akademsku godinu utvrđuje se Odlukom koju donosi Ministarstvo.

(2) Dodatak na stipendiju na osnovu deficitarnosti zanimanja student ostvaruje prijavom i dostavljanjem potvrde visokoškolske ustanove kojom se potvrđuje da student studira na studiju koji je Odlukom utvrđen kao deficitaran za tu akademsku godinu.

Član 19.

- Grupa d) smještaj u studentski dom

(1) Pravo na ostvarivanje dodatka za smještaj u studentski dom student ostvaruje prijavom i dostavljanjem potvrde studentskog centra o statusu studenta korisnika usluga nekog od javnih studentskih centara na području Bosne i Hercegovine.

(2) Za studente koji ostvare pravo na dodatak na osnovu smještaja u studentski dom, isplata osnovne stipendije i dodatka za smještaj u studentski dom se smatra subvencijom smještaja, a vršit će se na račun studentskog centra po ispostavljenom mjesečnom zahtjevu/računu s priloženim spiskom korisnika.

(3) Ukoliko student prestane biti korisnik usluga studentskog centra tokom akademske godine u kojoj je ostvario pravo na dodatak iz ovog člana,

dužan je o istom izvijestiti Ministarstvo kako bi se obustavila isplata subvencije (osnovne stipendije uvećane za dodatak za smještaj u studentski dom) na račun studentskog centra, a nastavila isplata osnovne stipendije na račun studenta.

IV PRELAZNE I ZAVRŠNE ODREDBE

Član 20.

(1) Korisnici koji imaju sklopljen ugovor o stipendiranju iz prethodnih godina od dana stupanja na snagu ovog Pravilnika svoj status nastavljaju kao korisnici osnovne stipendije, u skladu s odredbama ovog Pravilnika.

(2) Studenti koji imaju sklopljen ugovor s Ministarstvom o subvencioniranju smještaja u studentski dom iz prethodnih godina od dana stupanja na snagu ovog Pravilnika, svoj status nastavljaju kao korisnici osnovne stipendije, o čemu će se zaključiti aneks ugovora, a na osnovu prijave za dodatak na stipendiju, (grupa d) i dostavljanja potrebne dokumentacije, ostvaruju i pravo na dodatak za smještaj u studentski dom.

Član 21.

(1) Ministarstvo nema obavezu obezbijediti posao korisniku stipendije nakon završenog studija.

(2) Korisnik stipendije, u slučaju kada je to potrebno i uz saglasnost Ministarstva, ima obavezu raditi u tijelima javne uprave HNK-a onoliko godina koliko je primao stipendiju.

Član 22.

(1) Ukoliko korisniku stipendije nije ponuđena mogućnost zasnivanja radnog odnosa u struci na prostoru HNK-a u roku od jedne godine od dana završetka studija, prestaju mu obaveze po osnovi stipendije prema Ministarstvu.

(2) Ako korisnik stipendije zasnjuje radni odnos izvan HNK-a u roku od godine dana od završetka studija, bez saglasnosti Ministarstva, dužan je vratiti cjelokupan primljeni iznos stipendije u roku usaglašenim sa Ministarstvom.

Član 23.

U slučaju da korisnik stipendije želi koristiti stipendiju drugog davaoca iz sredstava Budžeta i vanbudžetskih fondova bilo kog nivoa vlasti u BiH, javnih preduzeća ili javnih ustanova, dužan je u roku od trideset (30) dana obavijestiti Ministarstvo o raskidu ugovora, ili ako koristi stipendiju nekog od

Hercegovačko-neretvanskog kantona

gore navedenih davaoca, dužan je vratiti cjelokupan primljeni iznos stipendije u roku usaglašenim sa Ministarstvom.

Član 24.

Stupanjem na snagu ovog Pravilnika prestaje da važi Pravilnik o dodjeljivanju stipendija i subvencioniranju smještaja u studentski dom („Službene novine HNK“, broj: 10/17).

Član 25.

Ovaj Pravilnik stupa na snagu narednog dana od dana objave u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine Hercegovačko-neretvanski kanton
Ministarstvo obrazovanja, nauke, kulture i sporta

Broj: 01-02-1844/24
Mostar, 14. 08. 2024. godine

MINISTAR

prof. dr. Adnan Velagić, s.r.

OGLASI

OPĆINSKI SUD U ČAPLJINI

BROJ53 0 P089085 24 P

Čapljina, 03.07.2024.godine

Općinski sud u Čapljini sutkinja Zdenka Filipović u pravnoj stvari tužitelja 1. Aide Turković kći Muhameda iz Stoca, Ulica humska broj D1 i 2. Nedima Tukrovića sin Huseina iz Stoca Ulica humska broj D 1 oboje zastupani po punomoćnici Moniki Rebac Filipović odvjetnici iz Čapljinje, Ulica Zrinskih frankopana bb protiv tuženika 1. Safeta Muftića, sin Avde iz Stoca, 2. Alije Muftića sin Avde iz Stoca 3. Zarife Muftić kći Avde iz Stoca 4. Razije Muftić kći Avde iz Stoca, svi nepoznatog prebivališta i boravišta radi utvrđenja prava vlasništva i uknjižbe v.sp. 1.000,00 KM uvećano za sporedna potraživanja, postupajući po tužbi od dana 24.05.2024.godine donio je dana 03.07.2024.godine

OGLAS

O postavljanju privremenog zastupnika

U ovoj pravnoj stvari tuženim pod 1. Safetu Muftiću sin Avde iz Stoca, 2. Aliji Muftiću sin Avde iz Stoca, 3. Zarifi Muftić kći Avde iz Stoca 4. Raziji Muftić kći Avde iz Stoca svi nepoznatog prebivališta i boravišta na temelju Rješenja ovog suda broj 53 0 P 089085 24 P od dana 03.07.2024.godine postavljen je privremeni zastupnik Božo Jurković odvjetnik iz Čapljinje Gabela polje b.b. budući da su tuženi nepoznatog prebivališta i boravišta a nemaju punomoćnika te bi redovan postupak oko postavljanja zakonskog zastupnika trajao dugo, tako da bi za stranke mogle nastati štetne posljedice (čl. 296.st.1. i 2. tč.4. Zakona o parničnom postupku F BiH dalje ZPP-a F BiH).

Privremeni zastupnik ima u ovom postupku sva prava i dužnosti zakonskog zastupnika i ista prava i dužnosti će vršiti sve dok se tuženi ili njihov punomoćnik ne pojavi pred sudom, odnosno dok organ starateljstva ne obavijesti sud da je postavio staratelja (čl. 297.st.2 ZPP-a F BiH).

Sutkinja
Zdenka Filipović

OPĆINSKI SUD U MOSTARU

Broj: 58 0 V 277180 23 V

Mostar, 05.09.2024.godine